

Ո Ր Ո Շ ՈՒ Մ թիվ - 84
Վարչական տույժ նշանակելու մասին

«07» ապրիլի 2021թ.

ք. Երևան

ՀՀ պետական եկամուտների կոմիտեի իրավաբանական վարչության պետ Արման Մնացականյանս, քննելով մաքսային ձևակերպումների մասնագետ Հովհաննես Գևորգի Հովհաննիսյանի վերաբերյալ նյութերը.

Պ Ա Ր Ձ Ե Ց Ի

ՀՀ ՊԵԿ հետբացթողումային հսկողության վարչության աշխատակիցները, ղեկավարվելով Եվրասիական տնտեսական միության մաքսային օրենսգրքի 333-րդ և «Մաքսային կարգավորման մասին» ՀՀ օրենքի 133-րդ հոդվածներով, իրականացրել են արտագնա մաքսային ստուգում «ՎԱՄՍԻԻԴՍ» ՍՊ ընկերությունում և հայտնաբերել, որ «ՎԱՄՍԻԻԴՍ» ՍՊ ընկերության անվամբ 05100011/130618/0012336, 05100011/080119/0000029, 05100011/170419/0010010, 05100011/190220/0004560 ապրանքների հայտարարագրերով ՀՀ տարածք ներմուծված և ԵԱՏՄ ԱՏԳ ԱԱ 1005 10 900 0, 1005 10 150 0 ծածկագրերով հայտարարագրված «եգիպտացորենի սերմեր» և «շաքարային եգիպտացորենի սերմեր» պարզ հիբրիդային» ապրանքատեսակները հայտարարագրվել են ծածկագրի վերաբերյալ ոչ ճշգրիտ տեղեկություններով:

Արտագնա մաքսային ստուգման ժամանակ կատարված ուսումնասիրությունից և ընկերության կողմից 12.02.2021թ. տեղեկանքով ներկայացված տեխնիկական անձնագրերից և մեկնաբանություններից պարզվել է, որ վերը նշված ապրանքատեսակները հանդիսանում են շաքարային եգիպտացորենի սերմեր հիբրիդային՝ ցանքսի համար, որոնք ԵԱՏՄ ԱՏԳ ԱԱ մեկնաբանման հիմնական կանոնների համաձայն ենթակա են դասակարգման ԵԱՏՄ ԱՏԳ ԱԱ 0712 90 ապրանքային դիրքում:

ՀՀ ՊԵԿ մաքսային հսկողության վարչության 24.02.2021թ. «Ապրանքի ոչ ճիշտ դասակարգում հայտնաբերելու դեպքում ապրանքի դասակարգման վերաբերյալ» թիվ ԱԴՈ-21-000026 որոշման համաձայն՝ «շաքարային եգիպտացորենի հիբրիդային՝ ցանքսի համար» ապրանքատեսակը դասակարգվում է ԵԱՏՄ ԱՏԳ ԱԱ 0712 90 110 0 ծածկագրով (մաքսատուրքի դրույքաչափը՝ 10%, ԱԱՀ 20%):

Իրականացված արտագնա մաքսային ստուգման արդյունքում 09.03.2021թ. կազմվել է թիվ 0008-Ա ստուգման ակտը և «ՎԱՄՍԻԻԴՍ» ՍՊ ընկերությանն առաջարկվել է կատարել վերահայտարարագրում ԵԱՏՄ ԱՏԳ ԱԱ ճշգրիտ ծածկագրերին համապատասխան՝ վճարելով պակաս վճարված մաքսային վճարները: Արտագնա մաքսային ստուգման նյութերն ուղարկվել են ՀՀ ՊԵԿ իրավաբանական վարչություն մաքսային կանոնների խախտման հատկանիշների հարցը պարզելու համար:

Վարչական վարույթի նյութերից պարզվել է, որ Արևմտյան մաքսատուն-վարչությունում 05100011/130618/0012336, 05100011/080119/0000029 ապրանքների հայտարարագրերը լրացրել է Հովհաննես Գևորգի Հովհաննիսյանը: 2021 թվականի մարտի 16-ին ՀՀ ՊԵԿ իրավաբանական վարչությունում Հովհաննես Գևորգի Հովհաննիսյանի նկատմամբ ՀՀ մաքսային օրենսգրքի 203-րդ հոդվածի 1-ին մասի 2-րդ պարբերության հատկանիշներով կազմվել է մաքսային կանոնների խախտման վերաբերյալ արձանագրություն, որի մեկ օրինակն ուղարկվել է նրան:

Հովհաննես Հովհաննիսյանը բացատրություն է տվել այն մասին, որ 05100011/130618/0012336, 05100011/080119/0000029 ապրանքների հայտարարագրերով «ՎԱՄՍԻԻԴՍ» ՍՊ ընկերության անվամբ ձևակերպվել է եգիպտացորենի սերմեր՝ ԱՏԳ ԱԱ 1005 10 90 00 ծածկագրով: Սխալ ԱՏԳ ԱԱ ծածկագիրը կիրառվել է թյուրիմացաբար՝ հաշվի առնելով

ծածկագրի նկարագրությունը՝ պարզ հիբրիդային սերմացու եգիպտացորեն, առանց նկատելի, որ ծածկագրերի բացառությունների շարքին են դասվում ձևակերպման ենթակա եգիպտացորենի սերմերը:

24.01.2018թ. թիվ 61 մաքսային միջնորդական ուղղակի ծառայությունների մատուցման պայմանագրի 5.2.1 կետի համաձայն՝ կատարողը պարտավոր է ծառայությունները մատուցել պայմանագրի պահանջներին համապատասխան, որակյալ միջոցներով և համապատասխան որակավորում ունեցող մասնագետների միջոցով:

08.01.2019թ. թիվ 07 մաքսային միջնորդական ծառայությունների մատուցման պայմանագրի 4.1.1 կետի համաձայն՝ կատարողը իրավունք ունի իրականացնել պատվիրատուի բեռի մաքսային ձևակերպման հետ կապված բոլոր գործողությունները՝ պատվիրատուի հանձնարարությամբ:

Վարչական վարույթի ընթացքում 22.03.2021թ. թիվ /11-3/16034-2021 գրությամբ հարցում է կատարվել «ՎԱՄՍԻԻԴՍ» ՍՊ ընկերությանը արդյո՞ք հայտարարագրման ընթացքում մաքսային ձևակերպումների մասնագետներ Նուշիկ Հովիկի Հակոբյանը և Հովհաննես Գևորգի Հովհաննիսյանը դիմել են «ՎԱՄՍԻԻԴՍ» ՍՊ ընկերությանը փաստաթղթերի կամ լրացուցիչ տեղեկությունների տրամադրման համար, միաժամանակ հայտնել ընկերության կողմից ներկայացված փաստաթղթերը բավարար էին ճշգրիտ հայտարարագրում կատարելու համար և արդյո՞ք վերջիններս հատկացված փաստաթղթերի ուսումնասիրման արդյունքում կարող էին պարզել, որ «եգիպտացորենի սերմեր» և «շաքարային եգիպտացորենի սերմեր՝ պարզ հիբրիդային» ապրանքները հանդիսանում են շաքարային եգիպտացորենի սերմեր հիբրիդային՝ ցանքսի համար, ինչպես նաև հասկանալ ապրանքատեսակների բնութագրական հատկանիշների և նկարագրությունների մասին, ինչպես նաև հնարավորության դեպքում տրամադրել պարզաբանում նշված ապրանքատեսակները հայտարարագրելիս Ձեր ընկերության կողմից տրամադրված լրացուցիչ փաստաթղթերի (օր. նախնական զննման արձանագրություն, տեղեկանք) և տեղեկությունների վերաբերյալ:

«ՎԱՄՍԻԻԴՍ» ՍՊ ընկերության տնօրենը հայտնել է, որ Ընկերության կողմից մաքսային ձևակերպումների մասնագետներին ներկայացվել է ստույգ, ճշգրիտ, հավաստի փաստաթղթեր, ինչպես նաև հավաստի և լիարժեք տեղեկություններ բեռի անվանման, նկարագրի, բնութագրի, արժեքի վերաբերյալ և հայտարարագրման ենթակա այլ տվյալներ, իրենց կողմից պահանջված փաստաթղթերի վերաբերյալ:

ԵԱՏՄ մաքսային օրենսգրքի (այսուհետ՝ Օրենսգիրք) 2-րդ հոդվածի 32-րդ կետի համաձայն՝ «մաքսային հայտարարագիրը» մաքսային փաստաթուղթ է, որը պարունակում է տեղեկություններ ապրանքների վերաբերյալ կամ ապրանքների բացթողման համար անհրաժեշտ այլ տեղեկություններ, իսկ 7-րդ կետի համաձայն՝ հայտարարատուն այն անձն է, որը հայտարարագրում է ապրանքներ կամ որի անունից հայտարարագրվում են ապրանքներ:

Օրենսգրքի 104-րդ հոդվածի համաձայն՝ ապրանքները ենթակա են մաքսային հայտարարագրման դրանք մաքսային ընթացակարգով ձևակերպելու կամ սույն Օրենսգրքին համապատասխան սահմանված այլ դեպքերում: Մաքսային հայտարարագրումն իրականացվում է հայտարարատուի կամ մաքսային ներկայացուցչի կողմից, եթե սույն օրենսգրքով այլ բան սահմանված չէ: ԵԱՏՄ մաքսային օրենսգրքի 105-րդ հոդվածի համաձայն՝ մաքսային ընթացակարգերով ձևակերպելիս, բացառությամբ «մաքսային տարանցում» մաքսային ընթացակարգի, մաքսային մարմին է ներկայացվում ապրանքների մասին հայտարարագիր: ԵԱՏՄ մաքսային օրենսգրքի 106-րդ հոդվածով սահմանվում են ապրանքների հայտարարագրերում նշման ենթակա տեղեկությունները: 106-րդ հոդվածի 1-ին մասի 4-րդ կետի համաձայն՝ հայտարարագրում նշվում են տեղեկություններ ապրանքների մասին, որոնց մեջ ի

թիվս այլոց նշվում է անվանումը, նկարագրությանը, որն անհրաժեշտ է այն մաքսային վճարների, հատուկ, հակազնագցման, փոխհատուցման տուրքերի և այլ վճարների հաշվարկման և գանձման համար, ապրանքների ծածկագիրը՝ Արտաքին տնտեսական գործունեության ապրանքային անվանացանկին համապատասխան:

Օրենսգրքի 20-րդ հոդվածի 1-ին մասի համաձայն՝ հայտարարատուն և այլ անձինք ապրանքների դասակարգումն իրականացնում են ԱՏԳ ԱԱ-ին համապատասխան՝ մաքսային հայտարարագրման ժամանակ և այն դեպքերում, երբ մաքսային կարգավորման ոլորտի միջազգային պայմանագրերի ու ակտերի համաձայն, մաքսային մարմին են հայտնում ապրանքի ծածկագիրը՝ Արտաքին տնտեսական գործունեության ապրանքային անվանացանկին համապատասխան: Օրենսգրքի 2-րդ հոդվածի 35-րդ կետի համաձայն մաքսային հայտարարագրումը մաքսային մարմնում մաքսային հայտարարագրի միջոցով ապրանքների վերաբերյալ տեղեկությունների, ընտրված մաքսային ընթացակարգի վերաբերյալ և (կամ) ապրանքների բացթողման համար անհրաժեշտ այլ տեղեկությունների հայտագրումն է:

Օրենսգրքի 84-րդ հոդվածի 3-րդ կետի համաձայն՝ հայտարարատուն անդամ պետությունների օրենսդրությանը համապատասխան, պատասխանատվություն է կրում սույն հոդվածի 2-րդ կետով նախատեսված պարտականությունները չկատարելու, մաքսային հայտարարագրում ոչ հավաստի տեղեկություններ հայտագրելու համար:

ՀՀ մաքսային օրենսգրքի 189-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 203-րդ հոդվածի 1-ին մասի 2-րդ պարբերության համաձայն՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը, որի արդյունքում առաջանում է մաքսային վճարների պակաս հաշվարկում կամ չհաշվարկում, առաջացնում է տուգանք՝ այդ մաքսային վճարների 50 տոկոսի չափով:

Մաքսային կանոնների խախտումների վերաբերյալ վարույթի շրջանակում հաստատվել է այն հանգամանքը, որ մաքսային ձևակերպումների մասնագետ Հովհաննես Գևորգի Հովհաննիսյանը ապրանքների հայտարարագրին կից ներկայացված փաստաթղթերի ուսումնասիրությունից կարող էր պարզել, որ ներմուծված ԱՏԳ ԱԱ 1005 10 900 0 ծածկագրով «Եգիպտացորենի սերմեր» ապրանքատեսակները հանդիսանում են շաքարային եգիպտացորեն հիբրիդային՝ ցանքսի համար և ենթակա են ԱՏԳ ԱԱ 0712 90 110 0 ծածկագրով հայտարարագրման: Ելնելով վերոգրյալից՝ հաստատվել է այն հանգամանքը, որ ներկայացված փաստաթղթերը բավարար էին ապրանքի ծածկագիրը ճիշտ որոշելու համար:

Մաքսային ձևակերպումների մասնագետ Հովհաննես Գևորգի Հովհաննիսյանը 2021 թվականի ապրիլի 7-ին հրավիրվել է ՀՀ ՊԵԿ իրավաբանական վարչություն՝ իր նկատմամբ ՀՀ մաքսային օրենսգրքի 203-րդ հոդվածի հատկանիշներով սկսված վարչական գործի քննությանը մասնակցելու համար և միաժամանակ նախազգուշացվել, որ համաձայն ՀՀ մաքսային օրենսգրքի

219-րդ հոդվածի՝ չներկայանալու դեպքում վարչական գործի քննությունը կիրականացվի իր բացակայությամբ:

Այսպիսով, գործի նյութերով պարզվել է, որ ՀՀ-ում գործող «ՎԱՄՍԻԻԴՍ» ՍՊ ընկերության անվամբ ՀՀ ներմուծված և փաստացի ԵԱՏՄ ԱՏԳ ԱԱ 0712 90 110 0 ծածկագրով դասակարգվող ապրանքները մաքսային ձևակերպումների մասնագետ Հովհաննես Գևորգի Հովհաննիսյանը 05100011/130618/0012336, 05100011/080119/ 0000029 ապրանքների հայտարարագրերով հայտարարագրել է ոչ ճշգրիտ ԵԱՏՄ ԱՏԳ ԱԱ 1005 10 900 0 ծածկագրով, ինչի հետևանքով առաջացել են 276079 ՀՀ դրամի չափով պակաս հաշվարկված մաքսային վճարներ, այսինքն՝ ՀՀ Հովհաննիսյանը թույլ է տվել ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ նախատեսված մաքսային կանոնների խախտում, ինչը հիմնավորվում է ՀՀ ՊԵԿ մաքսային հսկողության վարչության 24"02.2021թ. «Ապրանքի ոչ ճիշտ դասակարգում հայտնաբերելու դեպքում ապրանքի դասակարգման վերաբերյալ» թիվ ԱԴՈ-21-000026 որոշմամբ, 09.03.2021թ. թիվ 0008-Ա ստուգման ակտով, վերոթվարկյալ ապրանքային հայտարարագրերով:


Վերոգրյալի հիման վրա և ղեկավարվելով ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ, 206-րդ և 221-րդ հոդվածներով,

Ո Ր Ո Շ Ե Ց Ի՝

1. Հովհաննես Գևորգի Հովհաննիսյանին (անձնագրի համար՝ AT0439398) ճանաչել զանցառու ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ և նրան տուգանել 138039 ՀՀ դրամ: /900005024055 (կոդ-19) հաշվեհամարին/

2. Որոշման մասին հայտնել Հ. Հովհաննիսյանին՝ պարզաբանելով, որ ՀՀ մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադաս մաքսային մարմին՝ այն կայացնելուց հետո 10 օրվա ընթացքում կամ Վարչական դատարան երկու ամսվա ընթացքում:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ՝



Ա. ՄՆԱՑԱԿԱՆՅԱՆ